



Sud Bosne i Hercegovine
Суд Босне и Хецеговине

Broj: S1 3 Iž 040856 21 Iž
Sarajevo, 15.07.2021. godine

Sud Bosne i Hercegovine, u drugostepenom vijeću sastavljenom od sudija Vesne Trifunović, kao predsjednika vijeća, Dinke Bešlagić-Čovrk i Srete Crnjaka, kao članova vijeća, odlučujući o žalbi političke stranke Građanske demokratske stranke BiH, sa sjedištem, Maršala Tita 9a, Sarajevo, izjavljenoj protiv Odluke Centralne izborne komisije Bosne i Hercegovine, broj 05-1-07-5-1279/20 od 26.05.2021. godine zbog kršenja Zakona o finansiranju političkih stranaka, u nejavnoj sjednici, održanoj dana 15.07.2021. godine, donio je

R J E Š E N J E

Žalba se odbacuje kao neblagovremena.

O b r a z l o ž e n j e

Odlukom Centralne izborne komisije Bosne i Hercegovine broj i datum navedeni u uvodu, utvrđeno je da je politička stranka Građanska demokratska stranka BiH odgovorna što je u 2018. godini ostvarila prihod od izdavanja poslovnih prostojia pod zakup u iznosu koji je veći 20% u odnosu na ukupan prihod za 4.265,86 KM, te nije vodila poslovne knjige na način koji je utvrđen zakonom i drugim propisima u skladu sa zakonom, nije uspostavila pravilnu evidenciju o prihodima, nije dostavila dodatnu dokumentaciju na zahtjev CIK BiH, čime je prekršila odredbe člana 1. stav (1), člana 12. stav (1), člana 3. stav (3), i člana 12. stav (5), pa joj se na osnovu člana 15. stav (2) i primjenom člana 19, stav (1) tačka f), h) i i) i člana 20. stav (1) tačka a) Zakona o finansiranju političkih stranaka izriče jedinstvena novčana kazna u iznosu 7.500,00 KM .

Protiv navedene odluku žalbu je izjavio politički subjekt Građanska demokratska stranka BiH navodeći da je kazna previsoko odmjerena, sa konačnim prijedlogom da se ista na minimalnu kaznu od 1.000,00KM jer se dokazivanje po predmetu dešvalo u samom vrhuncu pandemije.

U odgovoru na žalbu Centralna izborna komisija predložila je da Sud žalbu odbaci kao neblagovremenu ili odbije kao neosnovanu.

Žalba je neblagovremena.

Odredbe člana 218. stav 1. Zakona o upravnom postupku BiH („Službeni glasnik BiH“, broj 29/02, 12/04, 88/07, 93/09, 41/13 i 53/16) propisuju da se žalba podnosi u roku od 15 dana od dana dostavljanja odluke.

Odluke Centralne izborne komisije Bosne i Hercegovine broj 05-1-07-5-1279/20 od 26.05.2021. godine dostavljena je žalitelju 22.06.2021. godine, a uložena žalba od strane političkog subjekta Građanska demokratska stranka BiH, sa dostavljanjem lično, dana 09.07.2021. godine u 12:30 časova.

Kada se cijeni da je zakonski rok za izjavljivanje žalbe 15 dana od dana prijema Odluke Centralne izborne komisije BiH, proizlazi da je zakonski rok istekao dana 07.07.2021. godine. Iz predmeta spisa je utvrđeno da je žalitelj žalbu izjavio lično 09.07.2021. godine u 12:30, iz čega proizilazi da je žalba izjavljena istekom zakonom propisanog roka. Na osnovu iznesenog zaključeno je da je žalba neblagovremena u smislu člana 218 stav (1) Zakona o upravnom postupku BiH . Primjenom odredbe člana 191. stav 1 tačka 1 Zakona o parničnom postupku pred Sudom BiH žalba je odbačena, a odredbe kojeg zakona se shodno primjenjuju kako je to propisano članom 60 a) Zakona o upravnim sporovima Bosne i Hercegovine (Sl.glasnik BiH broj 19/02 do 83/08).

**PREDSJEDNIK VIJEĆA
SUDIJA
Vesna Trifunović**